

آبونه اولمق ایستینلر دائره عدلیه
اداره مخصوصه سنه مراجعت
ایتملیدر

اعلانآتک بهرندن بر مجیدیه اخذ
ایدیلور

نسخه سی ۴۰ پاره در

تَبْلِغَات

سنه لکی در سعادت ایچون مجیدیه
یکرمی غروش حسابیه التمش
غروشدر

طشهره ایچون پوسته اجرتی اوله رق
اون بش غروش ضم اولنور

نسخه سی ۴۰ پاره در

هفته دهه ایکی دفعه جمع ایرتسی و چهارشنبه کونلری نشر اولنور. محتویاتی امور عدلیه به متعلقدر

تَبْلِغَات

اردو قضااسنک سنین سابقه اعشار بدلاتنه
متدائر اولوب مال صندوقی نامنه تنظیم ومقاولات
محرر لکنه تصدیق ایتدیریلان سندآتک دیون عمومیه
اداره سنه تصحیح قیدی ضمننده وقوعبولان مراجعت
اوزرینه عینیات دفترنده محرر مال صندوقی تعبیرآتک
چیزیه رک یرینه دیون عمومیه اداره سنک قیدی
صورتیه اتخاذ معامله ده تردد اولندیغندن بختله
استفسار کیفیتی متضمن طرزون ولایتی استیناف
محکمه سی مدعی عمومیلکندن وارد اولان تحریرات
اوزرینه انجمن عدلیه دن ویریلان مذکرده : اولجه
مال صندوقی نامنه ملزملردن آلدینی جمله اشعار
محلیدن اولان اعشار سندآتک اساساً مقاولات
محرر لکندن مصدق اولسنه نظراً اعشار تعلیماتک
بوکی سندآتک تصدیق لزومی بیان ایدن مندرجاتی
دائرة سننده معامله تصدیقه سنک ایفا قلندیفی اکلا-
شلمش و بونلرک بالآخره دیون عمومیه اداره سنه حیرو
ایدلسی کیفیتی تعایات مذکوره اقتضاسنجه معامله
استثنائیه ایفاسی ایچون حائر اولدینی حکم وقوتی
اسقاط ایدمه چکی جهتله تبدیل وتغییردن مصونیتی
نظامنامه مخصوصی احکامندن بولنان مقاولات محرر لکی
قیودآتک تصحیحه لزوم وایجاب کوریه مدیکی بیان
وافاده وعدلیه نظارت جلیله سنندن ذکر اولنان مدعی
عمومیلکه اولوجه تلبیغ ماده قلنمشدر.

مُحَاكَمَاتُ مَقَرِّاتٍ

اسکندرون قضااسنک جای محله سنندن صابونی
زاده احمد افندیکن خانه سنه بالدخول معامله جبر
و شدت اجراسیله حلیات وتقودینی سرقت ایتملرندن
طولای جنایتله اتهام اولنان فخری بن حاجی محمدک
اوج سنه مدته کورکه ورفیق محمد بن بوستانک صغر
سنی حبسیله طقوز آی حبسنه دائر حلب ولایتی استیناف

محکمه سی جزا دائره سنندن ویریلان ۳۷۷ نومرولی
اعلام

کرداوغلی احمدی جرح ایله تعطیل عضوینه سببیت
ویرمسنندن طولای جنایتله اتهام اولنان حاجی محمودک
بش سنه مدته کورکه قونلسنه دائر انقره ولایتی
استیناف محکمه سی جزا دائره سنندن ویریلان یوز
یکرمی اوج نومرولی اعلام

سینوبک مسجد دوزی قریه سنندن چیلای اوغلی
سیدعلینک دکانی کینککرنی شکست ایدرک اشیا سی
سرقت ایتمسنندن طولای جنایتله اتهام اولنان خلیل
بن محمدک اوج سنه مدته کورکه قونلسنه دائر سینوب
سنجانی بدایت محکمه سی جزا دائره سنندن ویریلان
یوز. اوتوز طقوز نومرولی اعلام

هرسکلی کیش اوغلی ادیسک خانه سنندن اشیا
سرقت ایلدیک ادعا قلنمسنندن طولای جنایتله اتهام
اولنان اکنلی مهتدی محمد بن عبد اللهک اوج سنه
مدته کورکه قونلسنه دائر معموره العزیز ولایتی
استیناف محکمه سی جزا دائره سنندن ویریلان یوز
نومرولی اعلام

بک اوغلنده ساکنه اوژنه نی قتل ایلدیک ادعا
قلنمسنندن طولای جنایتله اتهام اولنان پولیسلکندن
مطرود کوپرلیلی سلیمان بن جعفرک اون بش سنه
مدته کورکه قونلسنه دائر در سعادت جنایت محکمه
سنندن ویریلان سکسان نومرولی اعلام

بغدادک سوق الجدید محله سنندن صالح بن علینک
ماده قتلندن طولای جنایتله اتهام اولنان ایرانی
عبدول بن رحیمک اون بش سنه مدته کورکه قونلسنه
دائر بغداد ولایتی استیناف محکمه سی جزا دائره سنندن
ویریلان یکرمی نومرولی اعلام

اورفهنک یوسف پاشا محله سنندن بقال احمدک
دکانی دله رک نقود و اسیاسنی سرقت ایتمسنندن طولای
جنایتله اتهام اولنان ابوزر بن ددهنک اوج سنه
مدته کورکه قونلسنه دائر اورفه سنجانی بدایت
محکمه سی جزا دائره سنندن ویریلان یکرمی نومرولی
اعلام

حسین بن خلیلی قتل ایلدیک ادعا اولنمسنندن
طولای جنایتله اتهام اولنان انطاکیه لی محمد بن حسنک
اون بش سنه مدته کورکه قونلسنه دائر حلب
ولایتی استیناف محکمه سی جزا دائره سنندن ویریلان
ایکیوز اون درت نومرولی اعلام

برهانیه قضااسنک حاجی حسنلر قریه سنندن
صالح بن مصطفائی قتل قصدیه جرح ایتمسنندن
طولای جنایتله اتهام اولنان جوان خلیلک اوج سنه
مدته کورکه قونلسنه دائر قره سی سنجانی بدایت
محکمه سی جزا دائره سنندن ویریلان بیکنکالی نومرولی
اعلام

غلطه ده قفسی زقاغنده یونانی کریاقونک
میخانه سننده اسعد و محمد علی وقدری نی قتل قصدیه
جرح ایلدیک ادعا قلنمسنندن طولای جنایتله اتهام
اولنان ایرانی قهوه چی عباس بن علینک طقوز سنه
مدته کورکه قونلسنه دائر در سعادت جنایت محکمه
سنندن ویریلان یوز طقسان درت نومرولی اعلام

ذیله نک شیخ قولی محله سنندن قارصلی اوغلی
حسنک خدمتکاری علینک قاتلی چلبی اوغلی محمد
معاونت ایتمسنندن طولای جنایتله اتهام اولنان قره
علی اوغلی خلیلک اوج سنه مدته کورکه قونلسنه
دائر توقاد سنجانی بدایت محکمه سی جزا دائره سنندن
ویریلان بشیوز طقسان اوج نومرولی اعلام

قوزانه قضااسنک یوطراس قریه سنندن بکر بن
احمدک کیفیت قتلندن طولای جنایتله اتهام اولنان
مقتول مرقومک برادری شعبانک اون بش سنه
مدته کورکه قونلسنه دائر سرفیجه سنجانی بدایت
محکمه سی جزا دائره سنندن ویریلان یوز سکسان بر
نومرولی اعلام محکمه تمیز جزا دائره سنجه تصدیق
اولنمشدر.

۲۲۴ نومرولی نسخه ده مندرج در سعادت

جنایت محکمه سی اعلامنک بقیه سی :

محل مذکورده قرق درت نومرولی دکانده

مقیم قرق بش باشند قسطمونیلی ترشیچی حسن بن حسن ابتدا مظلومک مہم حسنہ صوبایاہ اوروب یرہ دوشوردیکی کوردرک فقط آندن صکرہ غلبہک آردسندہ صورت جریان وقعه بی مشاهده ایدہ مدیکی اتیان ایلدی .

محل مذکورده ایکی نومرولی دکانده مقیم قرق طقوز باشند سبزہ چی یاییلی طناش ولد یورکی وقعه کونی مہم حسن آتندہ مظلوم آتک اوستندہ اولدینی و حسنک بدندہ بر روولور بولندینی حالده منازعه ایتدکری کورمکله جادہ دن مرور ایتدکده اولان بر ژاندارمه نفرینہ کیدوب وقعه بی سوبلدیکی و نفر مرقوم ہان محل وقعه بی کیدرک اخیراً کندوسی عودت ایتدکندہ مذکور روولوری نفر مرقومک بدندہ کوردیکی و بشقہ برشی کورمدیکی درمیان ایلدی .

محل مذکورده اوتوز نومرولی دکانده آشچی اوتوز ایکی باشند آستانہ لی شکری بن صادق وقعه کونی مظلوم بدندہ کی صوبا ایلہ مہم حسنہ اوردرق و حسن آتک اوکندن قاجہرق گوشہ باشند قدرکدوب اورادہ حسن یرہ دوشمکله مظلومدہ آتک اوزرینہ دوشدیکی کوردیکی و آندن صکرہ نہ اولدینی مشاهده ایدہ مدیکی افادہ ایلدی .

بوکرده استماع اولتان شہودک افادہ لری ختام بولنچہ ذات و شہادت لری قارشو ندہ بجکی لسان ترجائی معرفتہ اکلا دیلہ دق متہمدن صورلدقده کندوسنک سلاچی اولدینی و ژاندارملر روولورایہ بیجائی مظلومدن اخذ ایتدکری و بشقہ دیہ جکی اولدینی اتیان ایلدی .

توسیع تحقیقات حقندہ طرفینک بشقہ مطالبی اولدینی لدی السؤل سوللریلہ تحقیقاتک بوندن عبارت ایدوکی بیان اولندقدہ معاون مومی الہ مہم حسنک بالنازعه مظلومی جرح و قتل ایلدیکی کندو سنک منازعہ بی مقر اولسی و شہادتلرک شہاداتی و معاہنہ راپوری مندجائی دلالتی ایلہ ثابت اولدیندن بالہور قاتل اولق اوزرہ مجرمیتہ قرار اعطاسنی طلب وادعا ایلدی .

وکیل مدافع امین افندی دخی شہود مستمعہ نک افادہ لریہ نظرآ ابتدا مظلوم صوبا ایلہ موکلنک اوزرینہ هجوم و ضرب ایدرک یرہ دوشوردیکی کی بعد التفریق موکلندہ دم کورلدیکی حالده مظلومدہ دم کورلدیکی و شہادتلردن توفیق صورت جریان وقعه بی شہود سائرہ نک افادانہ میان اولدرق ایکی قسمہ تفریق ایلہ ایکنجی قسمدہ حسن بیجافلہ مظلومی جرح ایتدیکی بیان و شہاد ژاندارمه عزیز اغا دخی حسنک بیجائی کشیدہ اتیسیلہ ہان بدندن اخذ ایلدیکی اتیان ایللریلہ مرقومانک افادہ لرینک یکدیگرہ مابن ایدوکی

و شوالدہ آلت قتل مظلومک کندوسی کشیدہ ایدوب اوزرینہ دوشدیکی دیگر بریجاق اولہ جفتی بالیان موکلنک برائتہ و بوقبول اولدینی صورندہ موکلنک آلت راضہ ایلہ مجروح اولدینی طیب راپوریہ و ابتدا مظلومک بالہجوم عصای کیر ایلہ موکلنی ضرب ایلدیکی شہاداتلہ مثبت ایدو کندن بالمقابلہ قاتل اولدینہ قرار ویرلسنی طلب واستدعا و مہم مرقوم لسان ترجائی معرفتہ بشقہ دیہ جکی اولدینی اتیان ایللریلہ حکاکہ نک ختام بولدینی تفہیم اولدرق ہیئت مذاکرہ اوطلہ سنہ چکدلی .

تفصیلات مبسوطہ دن مستفاد اولہ جفتی وجہلہ طرفینک ادعا و مدافعاتی استماع و بالجلہ اوراق تحقیقہ وضبط سابق تدقیق و مطالعہ اولدرق کیفیتہ کسب اطلاع اولندقدن صکرہ مذاکرہ جارہدہ انسانی منازعہ دہ قتلآ وفات ایدن مظلومک جرح و قتلی مہم حسن انکار و وکیلی امین افندی دخی برطاق مدافعات سردیہ موکلنک برائتہ یاخود بالمقابلہ قاتل اولدینہ اعطای قرار اولتسنی تذکار ایلدکریندن فصل مسئلہ بیہ تحدیق انظار و تعمیق افکار اولندقدہ عقیب وقعه دہ مقتول مظلوم قبل الوقات جارحنک حسن اولدینی سوبلدیکی کی مہم حسن دخی مظلومک خصوصت سابقہ سندن دولای کندوسی جرح اتجسی اوزرینہ کندوسی دہ مظلومی جرح ایتدیکی سوبلدیکی شہادتلردن پولیس محمد قدیری و بنہ مقتول مرقوم جارچی حسن ایدوکی افادہ ایلدیکی قومیسر ابراہیم ادم افدیلرک و محل وقعه بی واصل اولدیندہ منا زعاردن مظلومک بردہ و حسنک دخی بدندہ روولور اولدینی حالده آتک اوستندہ اولدق لری کورمکله حسنک بدندن مذکور روولوری بالاخذ مرقومانی تفریق ایتدکری صرہ دہ مرقوم حسن بدندن بریجاق چیقارمغلہ آتی دخی اخذ ایلدکری واولا حسنی قرہ غولخانہ بی تسلیم ایتدیکی کی اخیراً مظلومی دخی مجروح اولدرق کوروب قرہ غولخانہ بی کورددیکی ژاندارمه عزیز اغانک و مرقومانک بالنازعه یکدیگرہ صاریلہرق یرہ دوشدکری بی سعید بن علی وائی و نیقولی و قسطنینک و مرقوماندن حسنک قولندن دم جریان ایتدیکی و مظلومک بدندہ صوبا بولندینی حالده بقال دکانک اوکندہ طور مقدمدر ایکن حسن بدندن بر روولور چیقاروب مظلومہ چورمکله ژاندارملر طرفندن مذکور روولور اخذ اولندقدن و مرقومان تفریق ایدلدکن صکرہ حسن ایکی قاریش بوبندہ بر بیجاق چیقاردہرق مظلومک بوکرینہ ایکی دفعہ اور دینی کوردیکی توفیق بن محمد امینک حضور محکمہ دہ بین و حسن ایلہ مظلومک یکدیگرہ منازعه ایدرک یرہ دوشدکری و حسنک بدندہ روولور اولدینی

کوروب جادہ دن مرور ایتدکده اولان بر ژاندارمه نفرینہ کیدوب خبر و بردیکی سبزہ چی طناشک و جدانہ حوالہ مسئلہ ایلہ تأمین ایدرک علی الدراجات اخبار ایللرینہ و مظلومک بر آلت قاطعہ ایلہ مجروح اولدرق متأثراً وفات ایلدیکی طیب راپوری ایلہ تأید و ضابطہ عدلیہ تقریری مندرجاتلہ دخی اخبارات تشدید ایتدکده بولتسنہ و مقتولک بومنازعہ دہ جرمیہ دار و دیگر کسنہ ایلہ مجادلہ ایتامش ایدوکلنک درکار اولسنہ نظرآ اشوبومادہ قتل مہمک ایقاع ایتدیکی خصوصندہ شبہہ قلماشش و نوع جرمک ماہیتی و مدافعات واقعہ کیفیتی موضوع بحث ایدلدکده مقتولک نہ وجہلہ جرح اولدینی ادعا شہادتلردن توفیقند ماعداسی کورماش و دیگر شہادتلرک بعضیسی مقتولی و بعضیسی دہ متہمی آتندہ کوردیکی سوللری جہتلہ افادہ لری یکدیگرہ منافی ایسہدہ اول وقت مقتولک جرح اولنامسی جہتلہ بومابینک جرحک صورت و وقوعہ شمولی بولنامش ایدوکنہ و توفیق شہادتی مرقومانک یکدیگرہ واقع اولان تعرضی برطرف اولدقدن صکرہ مہم حسنک مقتول مظلومی جرح ایتدیکنہ منحصر و ژاندارمه عزیز اغانک تفریق آوانندہ و دیگر شہادتلرک دخی منازعه زمانندہ مقتولہ جرحہ کورماملری توفیقک شہادتک صحتی مشعور بردہ رش حالدن ژاندارمه عزیز اغانک متہمدن بیجائی آلزردن مقدم و تقریقند مؤخر مہمک مقتولی جرح ایتش اولدینی حالده اغای مرقومک بوجہندن تعمای ایتسی قضیہ سنک کندوسنک عدم دقتہ حل اولہ جفتی توہم ایتسندن منبعث اولدینی وارد خاطر و شوالدہ متہمی مقتولک ضرب ایتدیکی محقق اولسہ بیلہ مقابلہ فعانہ مبادرت زمانی مرور ایتدکن یعنی مقتولک تعرضی برطرف اولدقدن صکرہ متہم طرفندن قتیلی منتج اولان جرحہ جرأت اولدینی ظاہر اولسیلہ نوع جرم منکشف و منحل و بردہ اظہار حق شہادتلردن درویش عبداللہک مقتول مظلومک اخلاقیسز اولدینی بولندہ اطلاق لسان ایلہ متہمک لہنہ اخباراتدہ بولتسندن نانی شہادتی معلل و جرمک نوعہ و عدم وجودنہ دائر مدافعہ دہ نامجل اولدینہ و غایت مافی الباب اسباب مشروحہ بیہ قارشو متہم مرقومک انکار و تأویلاتی و وکیل مومی الہک بالجلہ مدافعاتی غیر مقبول کورندیکنہ مبنی مہم حسنک اوچوز اون طقوز سنہ سی جزیرانسک التجی کونی طاق بازاردنہ بالنازعه مظلوم نام دیگر مقصودی جرح و قتل ایلدیکی تحقیق ایلدکندن اول وجہلہ قاتل متہور اولق اوزرہ مجرمیتہ جرمک ثبوتندہ اتفاق و نوعندہ اکثریت لثان آرا ایلہ قرار ویرلہرک حکاکہ اوطلہ سنہ عودتہ اشبو قرار علناً قرائت

وبیان اولندقدہ معاون مومی الہ مجرم حسنک قانون جزائک یوزیتش دردنجی مادہ سنک فقرہ اولاسنہ توفیقاً تحدید جزائنی طلب وادعا و وکیل مومی الہ اولبایدہ کی جزا محدود اولدیندن مدافعہ بی محل قالدینی و مجرم دخی بشقہ دیہ جکی اولدینی اتیان ایللریلہ بوجہت حقندہ کی حکاکہ نک دخی اختتامی بالا فہام تکرار مذاکرہ اوطلہ سنہ کیدلدی .

جہت جزائیہ حقندہ دخی مذاکرہ کیفیت اولندہ مجرم حسنک مرتکب اولدینی فعل جزا قانوننک یوزیتش دردنجی مادہ سنک فقرہ اولاسنہ موافق اولدینہ و فقرہ مذکورده « برکسہ من غیر تمد بر شخصی اتلاف ایتش ایسہ اون بش سنہ مدتلہ کورکہ وضع اولور » دیو محرر بولندینہ مبنی فقرہ مذکورہ حکمنہ توفیقاً و ابتدای توقیفی اولان اوچوز یکریمی بر سنہ سی ربیع الاولسک یکریمی طقوزنجی کوندن اعتباراً اون بش سنہ مدتلہ کورکہ قولتسنہ و مصارف محاکمہ اولان جمعاً یوزالی غرو شک کندوسندن بالتحصیل عدلیہ و زنہ سنہ تسلیم ایتدیرلسنہ اوچوز اون طقوز سنہ سی ایلولنک یکریمی اوچنجی کونی متفقاً قرار ویرلہرک اصول فقہی ایقاعلندی .

محمد اغانک مجروحیتہ سببت ویردیکی ادعا قلاتن مصطفی اغانک فعل مذکورہ جرأتی ثابت اولہ مدیندن برائتہ

احسانی ضرب ایلدکری ثابت اولہ میان بانچوان سیفہ و رفیق طاهرک برائتہ

خدیجہ خاتمک تودیع ایلدیکی بوغیہ بی کتم ایلہ امنیت سوہ استعمال ایلدیکی ادعاسیلہ مظنون علیہ اولان حلاج رستمک فعل مذکورہ جرأتی ثابت اولہ مدیندن برائتہ

نونان دولتی تبعہ سندن قیوچی میخالہ اجرای وظیفہ حالندہ اطالہ لسان و جسماً اذا ویرہ جک حالانہ تصدی ایلدکری ادعاسندن طولانی مظنون بلدیہ چاوشی حسین و اوزان کاجی زہدی و پولیس ماموری حسن افدیلرک افعال مذکورہ بیجرأتلری اصولاً ثابت اولہ مدیندن برائتہ

یکدیگرنی ضرب ایدن سید احمد درہ سندنہ چووان سلیمان ایلہ شوقینک بر ہفتہ حبس لریہ

قہوجی نسیم و قایقچی باشوینی ضرب ایلدکری تحقیق ایدن یاسف ایلہ ایساقک اوزر کون حبس لریہ

مارہ قادین ایلہ کریمہ سی ماغدانی بی ضرب ایلدیکی ثابت اولان استیو قافلہ دن بریجق لیرا آلہرق مضروب لہرہ اعطاسنہ

محبوسیندن مظهری جرح ایلدیکی ثابت اولان

محکوم لاز حسنک مدت محکومیتی اکیال ایتدکن صکرہ برہفتہ حبسہ

یورکی بی ضرب و جرح ایدن یازمہ چی دیمترینک برہفتہ حبسہ

قدوس ایلہ اولغایہ اطالہ لسان ایدن دیمترین برلیرا جزای نقدی آلتسنہ

یکدیگرنی ضرب ایلدکری ثابت اولان محمد ایلہ اسماعیلک بر ہفتہ حبس لریہ

محمد علی افندیکن علی عثمان افندی بی ضرب ایلدیکی اقراریلہ ثابت اولدیندن اون کون حبسہ

نیقولینک مزروعانہ سہ ایراث ضرر ایلدیکی ثابت اولان لامبودن اون بش بشلک جزای نقدی آلتسنہ

صالح رئیسک پارہ کیسہ سی اخذ و سرفت ایلدیکی صکرہ ضابطہ جہ کفالتہ ربطہ

عبد الکرم نام چوچی ضرب ایلدیکی ثابت اولان رمزی افندیکن یکریمی کون حبسہ

مانوقک نیقولی بی ضرب و جرح ایلدیکی اکلا شلدیندن برہفتہ حبسہ

نکار خاتم ایلہ عایشہ خاتمک یکدیگرنی ضرب ایلدکری ثابت اولدیندن بر ہفتہ حبس لریہ

نعیمہ خاتمی ضرب ایدن جفال اوغلندہ ساکن وھی افدیندن ایکی لیرا آلہرق مضروبہ بی اعطاسنہ بدوسی ضرب ایدن دن کویلی تروتک برہفتہ حبسہ

ملازم احمد افندیکن محمد علی افندی بہ اطالہ لسان ایلدیکی ثابت اولدیندن کندوسندن برلیرا جزای نقدی اخذینہ

ایلیانک یاقویہ اطالہ لسان ایلدیکی ثابت اولدیندن یش کون حبسہ

رنجیر حسن اغائی ضرب و جرح ایدن طوبخانہ لی اوغلندہ ساکن آرا بی حسن اغانک برہفتہ حبسہ

اسکداردہ عبدالرحمن افندیکن سرکسندن منسیدل سرفت ایدن استانبولہ کوچک بازاردہ فیلک فروندہ مقیم قوچونک اوج آتی حبسہ

بلا موجب کورلنی و شہادت ایدن قوش اوغلی یقوشندہ ساکنہ زنجیہ صدقہ نک اوج کون حبس لریہ

برابر کندوسندن اون بشلک جزای نقدی آلتسنہ

طواشی حسن اغا محلہ سی امای احمد افندیکن خانہ سندن التمش برغروش ایلہ بر ایرادن معمول ایکنہ بی سرفت ایدن موقوفہ عشق نیاز خاتونک اوج آتی حبسہ و ختام مدتنہ ضابطہ جہ کفالتہ ربطہ

رکوش خاتونی ضرب ایدن خیرالدین چاوش محلہ سندنہ ساکن بیچاورہ چی حسینک برہفتہ حبسہ

کراستہ چی جمال واشرف افندیلرک قوطیچی

احمد اوستہ بی ضرب واحد اوستہ نک دہ انلرہ اطالہ لسان ایلدیکی ثابت اولدیندن جمال واشرف افندیلردن برلیرا آلہرق مضروبہ اعطاسنہ و مر قوم احمد اوستہ دن دخی ایکی لیرا جزای نقدی آلتسنہ

حاجی عبداللہک عبادہ بن احمدی ضرب ایلدیکی ثابت اولدیندن برہفتہ حبسہ

قاضی کوبندہ ساکن دیوارچی نیقولینک زانی قافلہ بی ضرب ایلدیکی ثابت اولدیندن مرقومدن برلیرا آلہرق مضروبہ ویرلسنہ

قوزغنجقدہ ساکن مناو صالامون و عبدالکریمک یکدیگرنی ضرب ایلدکری ثابت اولدیندن برہفتہ حبس لریہ

یکدیگرنی ضرب ایدن بلغوریلدہ قہوجی خلیل افندیکن برہفتہ حبسہ و عطار احمد افدیندن برلیرا آلہرق خلیل افندی بہ ویرلسنہ

یکدیگرنی ضرب ایدن کورقورک اون کون و یوانک برہفتہ مدتارلہ حبس لریہ

راشد اغائی جرح ایلدیکی ثابت اولان اناطولی حصارندہ ساکن حسینک آتی آتی حبسہ

قصاب مصطفایک محمد اغایہ اطالہ لسان ایلدیکی ثابت اولدیندن مرقومدن برلیرا جزای نقدی اخذینہ درسعادت ، بک اوغلی و اسکدار بدایت محکمہ لری جزا دائرہ لنجہ قرار ویرلشدہر .

الانبات

از ضرور استیفاف معنی عمر میلکنندہ :

خنس قضاسنہ تابع بورناک قریہ لی عثمان اوغلی حمزہ نک جرح و قتلدن طولانی مظنون علیہ بولتان قریہ مزبورہ لی احمد اوغلی سلیمک فعل مذکورہ محاسرتلہ فرار ایتدیکی اولبایدہ کی اوراق دعوی مآلندن اکلا شلمش و حرکتی قانون جزائک یوزیتش دردنجی مادہ سی حکمنی مستلزم مواد جنایتہ دن اولدرق اضرور استیفاف محکمہ سی جزا دائرہ سندنہ محاکمہ سی اجرا قلمق اوزرہ جنایتلہ اتہامہ قرار ویرلش اولدیندن مرقوم ہر نہ دہ کوریلور ایسہ در دستلہ حکمہ مذکورہ توقیفخانہ سنہ تسلیم ایلدسی لازم کلہ جکی بالجلہ ضابطہ عدلیہ مامورلرینک معلومی اولق اوزرہ اشبو اخذ و گرفت مذکرہ سی اضرور ہیئت اتہامی سندن تنظیم واعطا قلندی .

قرہ کلیسا قضاسنہ تابع بوشیک قریہ لی مصطفی اوغلی شریفی ضرب و قید بند ایلہ آغیل درونندہ کی

حیوانانندن درت رأس اوکوزینی سرقت ایلملردن دولایی مظنون بولنلاردن قضاء مزبوره ملحق کرکوک قریه لی خضر اوغلی مصطفی و قالنیک اوغلی محمد و صوغان قریه لی اوزونک اوغلی محمد ایله بونلرک حال و صفتلرینی بیلهرک یتاقلق ایتمکلی ادعاسیله کذلک مظنون علیه بولنان مذکور پوشیک قریه لی شرو و اوغللری کللو و حسین و مذکور کرکوک قریه لی اسماعیلک افعال مذکوره به مجاسرتله فرار ایتمکلی اولابده کی اوراق تحقیقه مألرندن اکلاشلمش و حرکتلری قانون جزانک ایککیوز بکرمی برنجی و ایککیوز اوتوزنجی ماده لری علاوه سی حکمینی مستلزم افعال جنائیه دن اوله رق بازید بدایت محکمه سی جزا دائره سنده محاکمه لری اجرا قلمق اوزره جنایتله اتهاملرینه قرار ویرلمش اولدیغندن مرقومونک هر زرده کوریلورلر ایسه در دستلریله محکمه مذکوره توقیف خانه سنه تسلیم ایدملری لازم کله چکی بالجه ضابطه عدلیه مأمورلرینک معلومی اولق اوزره اشبو اخذ و گرفت مذکوره سی ارضروم هیئت اتهامیه سندن تنظیم واعطا قلمدی .

ارزنجانک سمک قریه لی مصطفانک انشای راهده معامله جبر و شدت اجرا سیله معلوم المقدار اشیاسنی غضب ایتمکلرندن طولایی مظنون بولنلاردن کلزی قریه لی عزیز و اشقبادن پوسکللی اوغللری علی و زینالک افعال مذکوره به مجاسرتله فرار ایتمکلی اولابده کی اوراق تحقیقه مألندن اکلاشلمش و حرکات واقع لری قانون جزانک ایککیوز اونسکزننجی ماده سی حکمینی مستلزم افعال جنائیه دن اوله رق ارزنجان بدایت محکمه سی جزا دائره سنده محاکمه لری اجرا قلمق اوزره جنایتله اتهاملرینه قرار ویرلمش اولغله مرقومونک هر زرده کوریلورلر ایسه در دستلریله محکمه مذکوره توقیف خانه سنه تسلیم ایدملری لازم کله چکی بالجه ضابطه عدلیه مأمورلرینک معلومی اولق اوزره اشبو اخذ و گرفت مذکوره سی ارضروم هیئت اتهامیه سندن تنظیم واعطا قلمدی .

ایکنجی تجارت محکمه سنده :

بک اوغلنده جاده کبرده ۴۲۱ نومرولی مغازه ده اجرای تجارت ایتمکده ایکن ایکنجی محکمه تجارتدن افلاسنه حکم اولنش اولان قوکینو برادرلر و قومیا نیه سی ذمتده آله جغنی اثبات و یا موقتاً قبول و قید ایتمیرمش اولان آله جقلولرک قانوننامه تجارتک ۲۱۱ نجی و آتی ولی ایدن ماده سی موجبجه مفلس

مرقوم طرفنندن تکلیف اولنه حق قونقورداتونک مذاکره سی ایچون شهر کانون اولک التنجی جمعه ایرتسی کونی محکمه مذکوره نک افلاس او طه سنه کللری اعلان اولنور .

اعدمات شرعیه اجرا دائره سنده :

فاطمه بحریه خاتمک سعادتلو حسین حسین افندی ذمتده مترکم نفقه اوله رق بااعلام شرعی آلاجنی اولان مبالغ معلومه نک تأمین استیفاسی ضمننده مدیون مومی الیهک مناصفه عهده سنده اولوب محجوز و بک اوغلی بدایت محکمه سی ایکنجی حقوق دائره سندن ویریلان اعلام ایله فروختی محکوم بولنان بوغاز ایچنده صاری یار قریه سنده یکی محله جاده سنده واقع طقسان نومرو ایله مرقم براب توتونجی دکانک نصف حصه شایعه سنک اشبو تاریخ اعلاندن اعتباراً اون بش کون صکره فروخته تشبث اولنه جغندن طالب اولوب پی سورمک و بوندن زیاده معلومات آلق استیانتلرک مدت مذکوره ختامندن صکره در سعادت اعلامات شرعیه اجرا دائره سنه مراجعت ایلملری دائره مذکوره دن اعلان اولنور .

بک اوغلی بدایت محکمه سی اجرا دائره سنده :

ایکنجی مانول خاچوپولونک دسپنا بنت خرملبوس قالدین ذمتده بک اوغلی بدایت محکمه سی ایکنجی حقوق دائره سی اعلامیه محکوم به آله جغنی اولان الی یوز الی لیرانک مع فائض و مصارف محاکمه تأمین تسویه سی ضمننده مدیونه مزبوره نک عهده تصرفده اولوب داین مرقوم نامنه باسند خاقانی و فاء مفروغ بولنان بشکطاشده قبودان ابراهیم افا محله سنده کوی باشی جاده سنده عرضاً سکز و طولاً اون بش ذراع که جمعاً یوز بکرمی ذراع اوزرینه مبنی درت قاتده صغیر و کبیر طقوزاوطه و اوچ صغه وایکی مطبخ و طولومبه لی قیو و تراچه بی مشتمل معلوم الحدود اوقافدن مضبوط قبودان ابراهیم افا مسجد شریفی وقفندن توسیع انتقالو و آلتنده براب دکانی مشتمل اوچ نومروایله مرقم براب کارکیر خانه نک تاریخ اعلاندن اعتباراً اون بش کون صکره بالمزایده فروخته تشبث اولنه جغندن طالب اولنلرک ودها زیاده معلومات آلق استیانتلرک بک اوغلی بدایت محکمه سی اجرا دائره سنه مراجعت ایلملری اعلان اولنور .

اسکدار بدایت محکمه سی اجرا دائره سنده :

بقال یورکینک سعادتلو لیب افندی ذمتده بااعلام آله جغنی بولنان مبالغک تأمین استیفاسی ضمننده حجز آلتنه آنان بلغورلیده کوچک چاملیجه جوارنده اوچ بیکار جاده سنده مدیون مومی الیهک متصرف اولدینی برطرفی صراف مارکو ورثه سنک باغی و برطرفی لباده جاده سی و دیگر طرفی مصطفی پاشا ورثه سی باغی و طرف رابعی اوچ بیکار جاده سیله محدود الی اوطه ، ایکی صغه ، برمطبخ ، برقیو و اخشاب اوله رق ایکی قات و خارجاً بر باغی اوطه سی و بر آخوری حاوی تخمیناً بکرمی دونم باغی و کروم و ابنیه سی ملک ۲۱ نومرولی کوشک مع باغک عندالمزایده لیرا یوزغروش حسابیه اون ایکی بیک غرو شده طالبی عهده سنده تقرر ایدرک تاریخ اعلاندن اعتباراً بر ماه ختامنده قرار قطعیه ویریه چکی جهتله یوزده بش ضمیمه زیاده یه طالب اولانلرک مدت مذکوره ظرفنده اسکدار بدایت محکمه سی اجرا دائره سنه مراجعت ایلملری اعلان اولنور .

ازمید سنجایی بدایت محکمه سی اجرا دائره سنده :

باغ وصابون تجارتدن ایپودی عنکلی و شرکاسنک ازمید بدایت محکمه سی تجارت قسمندن ویریلان برقطعه اعلامی موجبجه ازمیدلی یورکچی قره واسیل اوغلی قره یانی ذمتده آله جغنی اولان مع مصارف درت بیک کسوز غروشک تأمین استیفاسی ضمننده اعلام مذکوری موقع اجرایه وضع الیش و علی الاصول تنظیم اولنان اخبار نامه تبلیغ اولندیغنی حالده هنوز تسویه دین ایتمدیکی جهتله قبل المحاکمه مقاولات محررلکی معرفتیه حجز آلتنه آنان و مدیون مرقومک عهده تصرفده بولنان میخالج قریه سنده و آیازمه نام موقعده پترو و یورکی باغچهلریله محدود بش دونم باغ و کذا آقارجه ده دره و پترو و انسطاش باغچهلریله محدود دلاک چاری ایکی دونم و دره جوارنده قسطنطنی والده سی و یورکی و چلی اوغلی ترلاسیله محدود بردونم و کذا قریه جوارنده نیقوله ویناکی و خرملبو باغچه سی و طریق ایله محدود بردونم و کذا قریه اوستنده یناکی و دیمتری و آورام باغچهلریله محدود بردونم که جمعاً بش قطعه باغ و باغچه سی تاریخ اعلاندن اعتباراً اون بش کون صکره موقع مزایده یه قویله جغندن طالب اولانلرک نظامی دائره سنده ازمید بدایت محکمه سی اجرا دائره سنه مراجعت ایلملری اعلان اولنور .